



Broj: 01-04-2143/24
Sarajevo, 20.02.2024. godine

GRADSKO VIJEĆE GRADA SARAJEVA
g-din Jasmin Ademović, predsjedavajući Gradskog vijeća

Predmet: Amandman na Prijedlog Odluke o uslovima i postupku prihvatanja pokroviteljstva Grada Sarajeva

U skladu sa članom 124. stav (6) Poslovnika Gradskog vijeća Grada Sarajeva („Službene novine Kantona Sarajevo“, br. 28/09, 11/20 i 19/20), na Prijedlog Odluke o uslovima i postupku prihvatanja pokroviteljstva Grada Sarajeva, a koji je utvrđen kao tačka dnevnog reda 36. sjednice Gradskog vijeća Grada Sarajeva, podnosim Amandmane, kako slijedi:

AMANDMAN I

U Prijedlogu Odluke o uslovima i postupku prihvatanja pokroviteljstva Grada Sarajeva, iza člana 2. dodaje se novi član 3. koji glasi:

„Član 3.

(Opći kriteriji za prihvatanje pokroviteljstva)

Opći kriteriji za prihvatanje pokroviteljstva su:

- 1) izvod rješenja o upisu u registar nadležnog suda, registar nadležnog državnog, federalnog, kantonalnog ili drugog nadležnog organa;
- 2) identifikacioni broj za pravno lice i broj transakcijskog računa u poslovnoj banci;
- 3) obezbijeđeni tehnički uslovi za realizaciju planirane aktivnosti;
- 4) obezbijeđeni ljudski i materijalni resursi neophodni za realizaciju planiranih aktivnosti;
- 5) dostavljen finansijski izvještaj za prethodnu godinu, ako su korištena sredstva iz Budžeta Grada Sarajeva;
- 6) dostavljen plan aktivnosti sa naznačenom konstrukcijom finansiranja“.

Svi naredni članovi dobivaju idući redni broj.

Obrazloženje

S obzirom na to da je u predmetu ove odluke navedeno da ista regulira uslove za prihvatanje pokroviteljstva, te da i druge odluke čiji je cilj (su)finansiranje imaju propisane opće i posebne uslove, to se na identičan način treba postupiti i u pogledu ove odluke.

AMANDMAN II

U Prijedlog Odluke o uslovima i postupku prihvatanja pokroviteljstva Grada Sarajeva, iza člana 3. dodaje se novi član 4. koji glasi:

„Član 4.

(Posebni kriteriji za prihvatanje pokroviteljstva)

Posebni kriteriji za prihvatanje pokroviteljstva su:

- 1) značaj programa – projekta za Grad Sarajevo, međuopćinsku ili međugradsku saradnju;



- 2) stepen doprinosa afirmaciji Grada Sarajeva i BiH;
- 3) interes građana grada Sarajeva;
- 4) programi – projekti koji doprinose jačanju tolerancije i razvoju demokratskog društva;
- 5) afirmacija bosanskohercegovačkog identiteta i tradicionalnih bosanskohercegovačkih vrijednosti;
- 6) značaj ponuđenog programa koji se odnosi na organizovanje stručnih i naučnih skupova;
- 7) mogućnost uključivanja u internacionalne programe kojima je cilj afirmacija Grada Sarajeva, kao regionalnog, kulturnog i privrednog centra.

Svi naredni članovi dobivaju idući redni broj.

Obrazloženje

S obzirom na to da je u predmetu ove odluke navedeno da ista regulira uslove za prihvatanje pokroviteljstva, te da i druge odluke čiji je cilj (su)finansiranje imaju propisane opće i posebne uslove, to se na identičan način treba postupiti i u pogledu ove odluke.

AMANDMAN III

U članu 6. Prijedloga Odluke o uslovima i postupku prihvatanja pokroviteljstva Grada Sarajeva, iza stava (2) dodaje se novi stav (3) koji glasi:

„(3) Gradonačelnik/ca će putem nadležne gradske službe Gradskom vijeću Grada Sarajeva dostaviti šestomjesečnu Informaciju i godišnji izvještaj o provođenju ove odluke“.

Stav (3) postaje stav (4).

Obrazloženje

Gradsko vijeće Grada Sarajeva, kao donosilac Odluke, treba redovno biti informisano o provođenju iste na način kako je Amandmanom predloženo.

AMANDMAN IV

U Prijedlogu Odluke o uslovima i postupku prihvatanja pokroviteljstva Grada Sarajeva, član 8. se briše.

Svi naredni članovi dobivaju idući redni broj.

Obrazloženje

Obzorom da se naprijed navedenim Amandmanima predložilo pobliže propisivanje općih i posebnih kriterija za prihvatanje pokroviteljstva, to je i potreba za donošenjem provedbenog propisa (Pravilnika) prestala da postoji.

GRADONAČELNICA

Prof. dr. Benjamina Karić, s.r.

Dostaviti:

- naslovu
- evidencija